

皇朝文獻通考

九三



皇朝文獻通考卷一百七十二

樂考 十八

樂歌

皇帝筵宴樂章

康熙二十二年定

皇帝陞座丹陛大樂奏協平之章

聖皇涖止穆穆皇皇百爾卿士章服斯光吹笙鼓琴式

燕嘉賓萬福旣同歸美

一人

皇帝還宮丹陛大樂奏興平之章

湛湛零露維豐之芑猗與在公思皇多士宴示慈
惠以洽百禮敬慎威儀福祿來只

皇帝三大節筵宴樂章

乾隆七年定

進果丹陛清樂奏海宇昇平日之章

海宇昇平日景物熙然徧乾坤草木樂清時河清
樂海宴麥雙岐麟遊鳳集枝連理風澹澹日依依正

蓬壺乍啟奉

天顏有喜金門嶰竹傳仙吹金猊篆裊香烟細合殿歡
聲殷地一統山河萬年

天子

解一

佳氣佳瑞滿皇畿天門詠蕩御筵披千峯疊嶂

排晴翠動龍蛇日暖旌旗菁葱玉樹萬年枝晏溫

溫玉祀金墀

解二

天上四序平分歲

皇心惟念小民依一自農功始祁寒暑雨遍疇咨崇墉

櫛比豐樂成民瑞眞民瑞茅簷外簫鼓樂豳詩

解三

湖當年深仁厚澤到於今累洽重熙

皇心繼述踵前徽勤宵旰敕惟時惟幾

解四

孝享吉蠲脩

祀事捧明粢于豆于登祝繁禧為民祈

聖心無逸

天休至

天心錫福

聖無為

聖無為太平恭己垂裳治

五解

得賢臣襄上理賁于旌連

茹彙征至蟬有綏鷺在墀九苞颺彩映朝曦來集

上林枝

六解

民俗恬熙盈室婦子康衢黃髮偕兒齒

食舊德服新菑想中天堯舜世鼓腹共遊嬉亦越

于茲戴堯天尊舜軌

七解

重譯來時梯航萬里冠裳

玉帛圖王會於萬載太平基想中天堯舜世鼓腹

共遊嬉亦越于茲戴堯天尊舜軌

八解

皇心和豫陽春似自萬類光輝盛美四海共傾葵五雲

齊獻瑞

趨辭

一人進酒丹陛清樂奏玉殿雲開之章

玉殿雲開金門春在蓬壺界日月昭回景福齊天

一人

一解

乾坤清泰五雲深處是三台看勾陳北指更

閣道南迴明朗朗左樞兼上相爛熒熒龍角枕河

魁際中天珠連璧合仰紫極麇至冕來

一人有慶萬國春臺

二解

府事脩和籲俊才扇仁風徧九

垓萬方樂育仰栽培

一人宵旰符真宰幾康勅忝天工代民生亦快哉饗飧

匱

聖懷勵憂勤保大持盈泰歌

帝力望堯階

三解

香馥馥葡萄潑醅天漿泛玉罍光灑灑

露從仙掌開北斗傾萬壽觴南山獻延壽杯慶玉

食萬方來

四解

看蓬瀛春暖林巒間早梅喜風和日

麗年華入

睿才況山巔水隈玲瓏萬卉開綠芊芊蘚似茵紅灼灼

花如海雨過也隱隱輕雷

解五

到清和暑風來茂對

乘時長景恢台敞水殿紅紛綠駭曳暄颺楊柳毵

毵

解六

金飈至商序回清秋皓月揚光彩芙蓉初日

舒蓓蕾平疇穰稔黃雲靄歲豳大有萬民歡

皇仁優渥敷天戴

解七

寒雲沍四序該一陽來復天心泰

兕觥醴酒公堂介豐年蜡饗吹豳賽乾資美利本

無言

帝恩廣運眞無外

八解

天呈瑞愜

睿懷金鏡光輝玉燭和諧鳴鳳雖階堯棟上雲影徘徊

舜琴中愜爲吾民解奏南薰還阜民財冠裳玉帛

圖王會

皇風蕩蕩

聖德巍巍

九解

淵思往代茅茨土階不圖不繪黃幄心齋

不築崔嵬不重玫瑰不貴腥羶菹醢卻猩唇滅豹

胎惟寶賢才亦有鹽梅和舟楫九棘三槐念民依

饑渴殷懷願時和田不汙萊神倉御廩藏精稗五

風十雨無僭無差十日晶熒雲靉黷莫葉芳生玉

階紺露丹霞接上台

帝居深在蓬萊泛瑤觴玉斝雲巖宮漏銅壺緩緩催頌

元首明哉喜君賡臣拜太平時節萬年杯趨

進饌中和清樂奏萬象清寧之章

萬象清寧海宇承平瑞日麗彤廷乾主大生坤職

資生四序不言而成

宸居端拱敷皇極

帝道無為法健行五緯明百度貞萬邦額手歡慶軒

圖麗日懸金鏡堯階莫莢舒長景陽回黍谷開春
令帝車運轉杓攜柄天道本無言

主德惟居敬萬方感頌吾

皇聖

二解

歡幸累洽重熙際太平萬國獻葵誠簪紱盈庭

筐篚充庭圖王會奏咸英微颺不動珠簾捲露溥
溥仙掌高擎酒初馨薦瑤觥其祝

一人有慶

三解

彤墀上花磚布影瑤階上爐烟細生鳳凰

鳩鵲啟雲屏宮漏悄玉壺清

四解

泰階久平大有屢

登上林草木瑞光凝卿雲景星梯航萬國冠裳整

香烟盎盎排蓮井
宮殿風微仙樂盈
九成韶箭來
儀鳳肅穆

天容睟以清

五解

庭燎初炳仰垂裳

一人有慶明離午
正又千道彩霞籠
瑞景西山峩峩分
翠黛共南山獻壽
北斗天漿溟滓天
長地久永茲
九野盈寧萬方綏
定

六念解

世德承

天命況復寶籙鴻圖嘉祥
歲歲呈五風十雨九穗雙
岐紫芝朱草榮木華連理
更兼之屈軼階前指佞

七欣解

慶際昌期觀

聖政億萬載培周鼎宵衣旰食日邁月征殫厥心爲民
求瘼菖葉抽時花綻杏寫幽風又思省春省秋省

八解玉振金聲

皇朝功德慶成從此年年獻兕觥佳節良辰喜交併傾

堯酒堯棟雲生壽籙縣縣天其永趨辭

又定上元筵宴樂章

皇帝陞座中和樂奏怡平之章

皇心保太和海宇昇平樂事多瓊樹長新柯冰泮春流

漲玉河晴雲展細羅擎堯酒泛天波花舞鳥能歌

齊拜手賦卷阿

皇帝還宮中和樂奏昇平之章

時雍頌帝堯玉佩鏗鏘慶早朝紫禁瑞烟飄春意
凌寒上柳條和風禁院饒陳仙樂奏簫韶三五正
良宵宮漏永月輪高

除夕元宵上燈中和清樂奏火樹星橋之章

火樹星橋爛煌煌燈月連宵夜如晝春風料峭鈞
天奏徹奏徹簫韶烟雲中瑞靄交籠著鮫鮪錦繡

叢萬花繚繞魚龍天矯嵩祝聲高解一分明是洞天

是絳霄分明是靈臺靈囿靈沼更春光乍到景物

暄妍雨露饒又黃上柳條漏洩青陽在野橋解二賀

聖朝

世德遙鬱瞳瞳日麗層霄

聖嗣

聖重明繼照萬民歡樂萬方熙皞昇平節瑞應昭瓊蕊飄

蕭寶殿開法曲雲璈魚龍天矯嵩祝聲高解三金支

麝氣飄西吹琉璃四照影娥池鳳燭燒百子池涎

燕龍膏九華燈篆烟消寒星纍纍綴銀霄蟻穿丸

曲珠光耀好良宵是

皇家景福滔滔

四解

滿山椒花簇百枝嬌月輪正高燈和

月一片冰霄是

皇家景福滔滔

五解

殿當中黼座高春悄銅壺漫敲笙歌

光燭千萬里而遙是

皇家景福滔滔

六解

良宵正好正好良宵看皇都萬井多

娛樂良宵正好正好良宵蓬壺清窈銀海光搖百

和香霏瑤島紫羅囊繡綵飄花匝匝東風吹飽同

慶清朝

七解

小梅梢暗香浮動淡烟籠罩月上柔枝

露滴輕苞今宵裏巷舞衢歌遍寰瀛同慶清朝

八解

願春光年年好三五迢迢不夜城燈月交奉

宸歡暮暮朝朝成喬成卿萬朵祥雲護帝霄

趨辭

耕藉筵宴樂章

雍正二年定

進筵奏雨暘時若之章

祥開黼座兮布瓊筵歌迭奏兮天樂宣三推既舉

兮賜豐年五風十雨兮時不愆優渥霑足兮既大